

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/57, 22.04.2020թ.

Բողոք բերող անձ՝ «Դիսպրո Լայն» ՍՊԸ

Պատվիրատու՝ ՀՀ աշխատանքի և սոցիալական հարցերի նախարարություն

Գնման ընթացակարգի ծածկագիրը՝ «ԱՍՀՆ-ԳՀԾՁԲ-20/20» գնանշման հարցում

Գնման առարկան՝ Մասնագիտական ուսուցման ծառայությունների ձեռքբերում:

Բողոքի պահանջը՝ Պարտավորեցնել «ԱՍՀՆ-ԳՀԾՁԲ-20/20» ծածկագրով գնանշման հարցման ընթացակարգի գնահատող հանձնաժողովին ընդունել որոշում «Դիսպրո Լայն» ՍՊԸ-ի հայտը 14, 16, 17, 19, 21, 25, 28, 37 և 40 չափաբաժինների մասով հայտը մերժելու մասին որոշումը դադարեցնելու վերաբերյալ:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ. ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> **հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին

ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին

*Բողոք բերող՝ «ԴԻՍՊՐՈՂ ԼԱՅՆ» ՍՊԸ
Հասցե՝ ՀՀ, ք. Երևան, Վ. Փարիազյան փ. 32
Հեռ: +374 94195524
Էլ. փոստ՝ infodisproline@gmail.com*

*Պատվիրատու՝ ՀՀ աշխատանքի և սոցիալական հարցերի նախարարություն
Հասցե՝ ՀՀ, ք. Երևան, կառավարական տուն 3*

*Գնման ընթացակարգի ծածկագիրը և առարկան՝
ՀՀ աշխատանքի և սոցիալական հարցերի նախարարության ենթակայությանը հանձնված
կազմակերպությունների կարիքների համար՝ մասնագիտական ուսուցման ծառայությունների
մատուցման նպատակով հայտարարված <<ԱՍՀՆ-ԳՀԾՁԲ-20/20>> ծածկագրով
գնանշման հարցման ընթացակարգ*

Բ Ո Ղ Ո Ք

• Գործի հակիրճ նկարագրությունը և բողոքի փաստերը

ՀՀ աշխատանքի և սոցիալական հարցերի նախարարության ենթակայությանը հանձնված կազմակերպությունների կարիքների համար՝ մասնագիտական ուսուցման ծառայությունների մատուցման նպատակով հայտարարվել է <<ԱՍՀՆ-ԳՀԾՁԲ-20/20>> ծածկագրով գնանշման հարցման ընթացակարգ (այսուհետ նաև՝ Ընթացակարգ):

Վերը նշված ընթացակարգին, ի թիվս այլ ընկերությունների, մասնակցության հայտ է ներկայացրել նաև «ԴԻՍՊՐՈՂ ԼԱՅՆ» ՍՊԸ-ն՝ ներկայացնելով հայտ՝ 14, 16, 17, 19, 21, 25, 28, 37 և 40 չափաբաժիններով:

Այնուհետև, Ընթացակարգի գնահատող հանձնաժողովը 14.04.2020թ. տեղի ունեցած նիստի թիվ 2 արձանագրության 4 կետի համաձայն՝ «ԴԻՍՊՐՈՂ ԼԱՅՆ» ՍՊԸ-ի հայտը մերժվել է հրավերի մաս 3-ով սահմանված ՀՀ ԿԳՄՍ նախարարության կողմից երաշխավորված մոդուլային ծրագիր չներկայացնելու և հրավերով սահմանված ժամկետում անհամապատասխանությունը չջտկելու հիմքով:

• Բողոքի իրավական հիմքերը և հիմնավորումները

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 1-ին և 2-րդ կետերի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում:

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Ինչպես արդեն հայտնել ենք՝ «ԴԻՍՊՐՈՒ ԼԱՅՆ» ՍՊԸ-ն մասնակցության հայտ է ներկայացրել ՀՀ աշխատանքի և սոցիալական հարցերի նախարարության ենթակայությանը հանձնված կազմակերպությունների կարիքների համար՝ մասնագիտական ուսուցման ծառայությունների մատուցման նպատակով հայտարարված <<ԱՍՀՆ-ԳՀՕԶԲ-20/20>> ծածկագրով գնանշման հարցման ընթացակարգի 14, 16, 17, 19, 21, 25, 28, 37 և 40 չափաբաժիններին, սակայն «ԴԻՍՊՐՈՒ ԼԱՅՆ» ՍՊԸ-ի կողմից ներկայացված հայտը մերժվել է՝ հրավերի մաս 3-ով սահմանված ՀՀ ԿԳՄՍ նախարարության կողմից երաշխավորված մոդուլային ծրագիր չներկայացնելու և հրավերով սահմանված ժամկետում անհամապատասխանությունը չշտկելու հիմքով:

Համաձայն ընթացակարգի հրավերի ՄԱՍ 3-ի՝ ՀՀ կառավարության 17.04.2014թ-ի N 534-Ն որոշման հավելված 11-ի 7, 7.1 և 7.2 կետերով սահմանված պահանջներին համապատասխան՝ Մասնագիտական ուսուցման ծառայությունների ձեռքբերման նպատակով կազմակերպված գնման ընթացակարգի հրավերով սահմանվում է, որ բոլոր մասնակիցները հայտով ներկայացնում են նաև մոդուլային ծրագրի նախագիծ, իսկ այն մասնակիցները, որոնք արդեն իսկ ունեն Հայաստանի Հանրապետության կառավարության 2015 թվականի սեպտեմբերի 10-ի «Լրացուցիչ կրթական ծրագրերի կազմակերպման և իրականացման կարգը, ինչպես նաև ոչ ֆորմալ և ինֆորմալ ուսուցման արդյունքների գնահատման և ճանաչման կարգը սահմանելու մասին» N 1062-Ն որոշմամբ հաստատված կարգի 15-րդ կետի համաձայն երաշխավորված՝ մասնագիտական ուսուցման տվյալ դասընթացն ապահովող մոդուլային ծրագիր՝ ներկայացնում են այդ ծրագիրը և Հայաստանի Հանրապետության կրթության պետական կառավարման լիազորված մարմնի կողմից դրա վերաբերյալ տրված երաշխավորագիրը: Ընդ որում, եթե ծրագիրը երաշխավորված է մինչև հայտը ներկայացնելը, ապա երաշխավորագրի գործողության ժամկետը չպետք է պակաս

լինի գնման ընթացակարգի արդյունքում կնքվելիք պայմանագրի շրջանակում մատուցվելիք ծառայության վերջնաժամկետից:

Այսպես, «ԴԻՍՊԵՆՍ ԼԱՅՆ» ՍՊԸ-ն 26.03.2020թ. ՀՀ ԿԳՄՍ նախարար Ա. Հարությունյանին է ներկայացրել <<Գործազուրկների, աշխատանքից ազատման ռիսկ ունեցող, ինչպես նաև ազատագրված ձեռք պատիժը կրելու ավարտին վեց ամիս մնացած աշխատանք փնտրող անձանց մասնագիտական ուսուցման կազմակերպում ծրագրի շրջանակներում Դերձակ, Դիմահարդար, Խոհարար, Կարող, Մատնահարդար և Վարսահարդար մասնագիտության զբաղմունքի ուսուցման լրացուցիչ կրթության մոդուլային ծրագրերը, ըստ <<Լրացուցիչ կրթական ծրագրերի կազմակերպման և իրականացման կարգի>> ՀՀ կառավարության 10.09.2015թ. թիվ 1062-Ն որոշման 15-րդ մասի, մասնագիտական եզրակացություն և երաշխավորություն ստանալու համար>> /կցվում է/:

Ի պատասխան վերը նշված գրության՝ ՀՀ ԿԳՄՍ նախարարի կողմից 13.04.2020թ. որոշում է կայացվել՝ «ԴԻՍՊԵՆՍ ԼԱՅՆ» ՍՊԸ-ի կողմից ներկայացված մասնագիտական ծրագրերը երաշխավորել որպես լրացուցիչ կրթության մոդուլային ծրագրեր՝ մինչև 2023թ. /կցվում է/:

Ելնելով վերոհիշյալ պահանջներից՝ գտնում ենք, որ Ընթացակարգի գնահատող հանձնաժողովը «ԴԻՍՊԵՆՍ ԼԱՅՆ» ՍՊԸ-ի կողմից ներկայացված հայտը հրավերի մաս 3-ով սահմանված ՀՀ ԿԳՄՍ նախարարության կողմից երաշխավորված մոդուլային ծրագիր չներկայացնելու և հրավերով սահմանված ժամկետում անհամապատասխանությունը չշտկելու հիմքով մերժելով՝ առնվազն գործել է ոչ իրավաչափ՝ խախտելով մասնակցի մասնակցության իրավունքը:

Օրենքի 50-րդ հոդվածի 7-րդ մասի 1-ին կետի համաձայն՝ ՀՀ գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ,

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, Բացառությամբ պայմանագիրը անվավեր ճանաչելու մասին որոշման:

Ելնելով վերոգրյալից՝ ՀՀ գնումների հետ կապված բողոքներ քննող անձին


ԽՆԴՐՈՒՄ ԵՄ՝

Պարտավորեցնել <<ԱՍՀՆ-ԳՀԾՁԲ-20/20>> ծածկագրով գնանշման հարցման
ընթացակարգի գնահատող հանձնաժողովին ընդունել որոշում «ԴԻՄՊԼՈՂ ԼԱՅՆ» ՍՊԸ-ի
հայտը 14, 16, 17, 19, 21, 25, 28, 37 և 40 չափաբաժինների մասով հայտը մերժելու մասին
որոշումը դադարեցնելու վերաբերյալ:

Առդիր՝ 6 թերթ:

Հարգանքով՝

«ԴԻՄՊԼՈՂ ԼԱՅՆ» ՍՊԸ-ի տնօրեն



22. 04. 2020թ.